







唐陸宣公集卷第五

制誥卷第五

唐書

奉天遣使宣慰諸道制

唐書

唐書

唐書

古者天子巡狩之義以考國典以觀人風在時多  
 虞或所不暇乃命卿士使于四方問人疾苦庶吏  
 善惡苟副所任則如親臨在理平之時當備勸恤  
 當喪亂之際得無省憂朕以不敏肆于人上撫馭  
 失道誠感未孚寇盜繁興阻兵拒命哀哉臣庶陷  
 于匪人顧茲田疇鞠為茂草不念柔復遽命徂征  
 徵發兵甲萬里必至暴露營壘連年不息冒于鋒  
 刃繼以死傷榮瘁無依父母廢食存者積思家之  
 怨歿者倍異鄉之痛又以軍費滋廣公儲不充厚



取於人罔率厥典科條互設誅斂無常農工廢棄  
其生業商賈咨嗟於道路軍營日益闕并日空凋  
瘵日窮徭役日甚以財力之有限供求取之無涯  
暴吏肆威鞭笞督責嗷嗷黔首控告何依怨氣上  
騰咎徵斯應疫癘荐至水旱相乘罪非朕躬誰任  
其責朕自嗣位迫今六年連兵不解已踰四稔雖  
本非獲已義在濟人而事乃重勞敢忘咎已皆以  
朕之寘昧居安忘危致寇之由實在於此予則不  
德人亦何辜愧恨積中痛心疾首昨者改元施令  
悔往布新將反側獲安則千文日弭賦役差減則  
衆庶就康還定流亡與之休息猶懼惡慮未周予

庶務誠感未達于遐方一理矣中一夫不獲則何  
以謝天譴致人和俾代子言其在良弼宜令門下  
侍郎同中書門下平章事蕭復充山南東西鄂岳  
荆南江西淮南浙江東西嶺南福建等道宣慰安  
撫嗚呼往率乃職敬敷朕命慰勉征戍勞徕困窮  
訪其所安察其所弊淹滯必達冤濫必申無憚幽  
遠而不被無略細微而不恤泊乎編氓比屋咸若  
朕之躬親股肱惟良予則有賴其諸道將士並准  
今年正月一日制嚴備疆界勿使侵擾仍各令本  
使本將速具名銜等聞奏悉與甄叙其殊功劬節  
超越常倫別條狀績當特優獎百姓除每年兩稅



定額外自餘徵率一切並停課勸農桑各令安業  
寇難既定漸息干戈朕當躬先簡約庶務節省兩  
稅之內亦更減除其諸道事緣急切須處分者即  
與所在節度觀察使商議裁度務合便宜其餘利  
害還日條奏朕當詳省以擇厥中宣布遠邇咸使  
聞知

收復京師遣使宣慰將吏百姓詔

朕獲承先顧付以大器懼德不類貽列聖羞虔恭  
惕厲罔敢暇逸將欲立法齊一致俗和平小信未  
孚衆心遂阻事理乖當百度失中君臣之間鬱堙  
不達致寇難深於罪已興戎猶昧於省躬期靖亂

以濟人反勞師而黷武行者被殺傷之苦居者重  
齋送之勞四海騷然靡有寧處京輦之下扞軸亦  
空環列之中遣戍殆盡略內以勤遠居安而忘危  
賊臣誘姦乘間竊發豺狼穢于宮闕士庶陷于塗  
炭作威肆戮仇視我人萬姓嗷嗷呼天罔告有殞  
陪以抗節有脅從以假命且一夫不獲辜實在予  
朕君臨萬邦作人父母既不克覆育又從而咎之  
其心愧耻一食三歎退舍內訟介于梁岷庶乎有  
瘳以咎譴戒皇天悔禍宗社降靈腹心爪牙奮謀  
宣力元惡稔慝脫身逃遁餘黨歸誠率衆款附掃  
氛沴而闔閭闔剪鯨鯢以清郊原幽夏載寧室家



相慶非將士夾輔王室非卿士交修予違軍旅叶  
心畢命盡敵豈伊窻昧克復興運戡定大難載感  
予懷宜令吏部侍郎班宏充上都宣慰使勞問將  
士撫綏烝黎招輯流亡慰安反側朕續整飭法駕  
擇日還京告謝于祖宗請罪于天地策勲行賞大  
報忠烈銘功永代與國同休明宣朕懷咸使知悉  
平淮西後宴賞諸軍將士放歸本道詔

朕纂奉丕業託于人上仁不被物義不勝茲頌聲  
蔑聞暴亂連起叛臣希烈竊據淮沂誠則彼夫無  
良亦由朕之不德撫御之道失之於初師旅一興  
綿聯莫解服勞者從役不暇受污者無路自新早

蝗相乘穀糴翔貴兵氓餒死十室九空通邑化為  
丘墟遺骸遍於原野每念於此傷心涕流且自昔  
勞師靡有不悔以虞舜之聖屈於苗人漢武之強  
獎於戎虜矧乎德猶不逮力或未全我其永懷求  
已自警乃者下哀痛之詔布寬大之恩普天載新  
殊死必宥然尚勞師旅作扞邊陲有累歲棄離家  
室有經時不解甲冑忠雖為國咎實在予君人若  
斯寧不知愧賴節將士旅一其誠心奮發武威慎  
固疆宇遠人思服元惡就誅烝黎方致於安寧役  
戍永期於休息懋官以旌善錫宴以勞旋賞不踰  
時式遵彝典都統檢校司空同中書門下平章事



劉從一並子孫一人五品正員官鄭滑節度使  
檢校尚書右僕射李澄檢校兵部尚書曲環檢校  
戶部尚書李臯兼御史大夫樊澤等並與子孫一  
人七品正員官都防禦使工部尚書御史大夫賈  
耽都團練使檢校左散騎常侍兼御史大夫盧玄  
卿兼御史大夫張建封等並與子孫一人八品正  
員官檢校司空同中書門下平章事李抱真檢校  
司空同中書門下平章事李納檢校尚書右僕射  
同中書門下平章事韓滉檢校工部尚書御史大  
夫田緒或遣士旅遠赴行營同討不庭厥有成績  
抱真納滉宜並子孫一人七品正員官緒與子

孫一人八品正員官應與淮西接界州縣本界鎮  
守及諸道赴行營將士等宜共賜物三十萬端疋  
以充賞設度支即約據界首及行營軍額分配定  
數逐便支送仍委本道都統節度防禦都團練使  
即條錄功第名銜聞奏並與甄叙其行營將士仍  
各放歸本道明加宣諭令悉朕懷

授王武俊李抱真官封并招諭朱滔詔

三公之職論道經邦序五行之和任百事之理歷  
代崇重不常厥官天祚皇家茂生才傑比義齊列  
同寅協恭以德允台階之望以勲當并賦之賜聿  
應並命式副具瞻開府儀同三司檢校司空同中



書門下平章事使持節恒州諸軍事守恒州刺史  
充成德軍恒冀深趙等州節度觀察處置等使琅  
邪郡王王武俊秉志沉密臨事能斷忠而致力勇  
且有仁奮發之初渠魁即戮危疑之際大節首彰  
開府儀同三司檢校尚書左僕射同中書門下平  
章事潞州大都督府長史昭義軍澤潞磁邢等州  
節度觀察處置度支營田等使上柱國符陽郡王  
李抱真質重氣和內精外朗智窮變化守必以常  
學本明誠動有攸利謀猷屢告規益孔多皆戮力  
盡瘁志匡王室陳師鞠旅同討不庭仗大義而萬  
衆一心體至公而千里同契合軍於呼吸之際決

策於指揮之間并轡載馳執桴親鼓兇徒殄殪河  
右廓清國家無北顧之虞姦慝阻南侵之計時乃  
同德厥功茂焉敷五教而阜人均九土以居衆俾  
爾更踐徧揚洪休乃加真實以貽後嗣武俊可檢  
校司徒同中書門下平章事抱真可檢校司空同  
中書門下平章事賜實封五百戶嗚呼古人有言  
曰惟理亂在庶官矧惟輔臣與國同體明朕德命  
爾其欽承朕嗣位不明輕費尚力謂武可以靖暴  
慢謂刑可以懲姦邪德之不修亂是用長士馬疲  
耗庶庶流離罪非朕躬誰任其咎自去歲遭變再  
經播遷歷山川之險艱知軍旅之勞苦惟省前過



悔恨盈懷追遠事而不及庶後圖之可補以九廟  
為重而不憚屈身以百姓為心而不專私欲苟可  
以保安社稷休息甲兵弘濟蒼生蜀省徭賦含垢  
忍耻予無難焉米滔受任荆門累著誠績委遇既  
重封秩亦崇臣節中虧自貽伊阻洎賊泚僭竊上  
京兄弟之親在法無赦朕以罪不相及情有可原  
待以如初之誠廣其自新之路執迷不復自敗是  
求感喪而歸既困方悟累獻款疏深陳懇誠省之  
愀然良用憫歎雖將相嫉惡之志固所難容以君  
上懷柔之情未忍拒絕且善莫大於改過德莫盛  
於好生叛而伐之雖而舍之銷難愛人實惟朕志

宜委武俊抱真開示大信明加疏諭若誠心益固  
善蹟克彰朕當掩豐錄勳占之昭雪宣告衆庶咸  
使聞知

招諭淮西將吏詔

朕臨御已來連兵不息自經播越方厯險艱耳聞  
鼓鼙之聲目視殺傷之苦由是覺悟悔於與師既  
省已以知非亦欲人之遷善至乃歲有再敷事有  
屢言務於撫綏不憚煩冗冀朕之誠信日布冀人  
之患難日除每議用兵惻然不忍而賊臣希烈煽  
禍滔天虐用其人介恃厥衆狼心多忌梟性無親  
以芟伐立威以猜刻為志朝為昵比夕為仇讎肆



其芟夷幾若草芥馮陵汝海流血盈川侵軼浚郊  
積骸遍野農耕廢業井邑成墟積彼妖氛發為災  
癘蕭條千里無復人烟朕哀彼生靈陷于塗炭苟  
存拯物不難屈身故於首春特布新令赦其殊死  
待以初誠使臣纒越於郊畿巨猾已聞於僭竊酷  
烈滋甚吞噬無厭將相大臣咸懷憤激繼陳章疏  
固請除討朕以所行天誅本去人害兵戈既接玉  
石難分言念忠良遭罹協制雖欲却陳臣節厥路  
無由受污終身銜冤沒代淪胥以逞誠足痛傷宜  
令諸道節度使每欲進軍先加曉諭今所致討唯  
止元兇其餘脅從一切不問如能去逆効順因事

建功明設科條以示褒勸其有一州降者便授刺  
史封異姓王賜實封五百戶以一萬人已上降者  
授刺史封國公賜實封三百戶其餘各據功效節  
級甄升列爵建官以俟能者朗然明信朕不食言  
宣示遠人各令知悉

招諭河中詔

朔方諸軍應在河中絳州朝邑將士等並以義烈  
繼代勲業冠時艱虞已來常濟國難肅宗代宗再  
復京邑皆是朔方將士之功去歲朕在奉天兗黨  
攻逼解圍赴急亦賴此軍言念爪牙情均骨肉濟  
朕危厄感之豈忘頃以懷光背恩自生猜阻焚惑



將士汚脅忠良朕頻降詔書再三曉諭皆被懷光  
隱匿兼亦志有加誣朕之誠懷竟未宣布風夜自  
愧寢食不安時屬嚴凝屢領衣賜豈以懷光一人  
拒命遂令將士俱不沾恩朕以功臣義存忠始其  
朔方及諸軍應在河中絳州朝邑將士等今年春  
冬衣賜並准二月二十一日勅緣赴奉天解圍功  
臣等第給錢物宜令所司并許計料別收貯待道  
路通流即當時支遣其有歸順者續給其將士等  
有先賜實封一切准元勅並州給牒委馬燧渾城  
逐分送付其差人請受仍明加宣諭招撫務令忠  
義之士各悉朕意

安撫淮西歸順將士百姓勅

李希烈首亂淮瀆又侵榮汴兗威所及罔不脅從  
百姓既罹於網羅將士兼質其家口哀哉衆庶銜  
冤莫伸雖欲歸降何由自達朕為人父母不克保  
安遂使忠良橫遭脇污興言憫悼思惻深哀今王  
師四臨所至剋捷將士百姓歎附甚多或棄其鄉  
園或捐其家族脫身効節良有可嘉特宜撫綏以  
將誠効應淮西界內及鄭汴等州將士歸順者委  
所在節度防禦等使便与收管切加存恤優給資  
糧仍各具名銜聞奏當與甄獎并給遺衣賜其百  
姓從賊界內歸順者亦委所在觀察使刺史量以



本道諸色錢物賑給令得存濟如情願便住者即配與死戶田宅使營生業若欲赴諸州縣者隨其所之當時給文牒發遣不得上邊所至之處准前優賞率土之內莫非王臣雖陷寇中諒非獲已但能効順即是平人務於招綏副朕所恤

甄獎陷賊守節官詔

沮勸二柄國之大綱獎善懲違固不可廢頃者賊臣構亂京邑震駭惟茲土人奔竄無所或從其誘脅遂染汚名或守以純誠竟全貞節昨所司奏議但舉刑章坐累者各已條疏守節者並已甄異忠正而不衆豈朕意旨應在京百司及京兆府長安

萬年兩縣去年十月三日見在職事官在城陷於賊中潛藏不受逆命并諸色前資官被偽署官爵頻遭迫脅首末不出事跡昭著衆所明知者並委御史臺訪察勘覆其事勿容虛濫仍限今月內具名銜事跡聞奏五品已上及常叅官已授替者委中書門下與處分六品已下各減三選不拘考例聽集其未得資被替非時放選仍稍優與處分如已喪亡者並與追贈使恩加存歿以稱朕懷

令百寮議大禮期日詔

朕自遷越旋於京師將欲請罪祖宗告謝天地所司擇日行有期矣議者多以大盜之後入勞匪居



懼愆歲功請俟農隙若俯順羣議則私懷不安將  
祇率典章又疲屯重擾風夜憂惕罔知所裁宜令  
中書門下與常參官即詳議析衷聞

不許諸軍侵擾勅

李希烈阻兵淮右虐害烝人朕哀憫無辜橫遭脅  
制若興師行伐則玉石俱焚所以頻下詔書再三  
開諭曾無悛革但益憑陵忠勇之徒昔思奮激朕  
悔於征伐務在含容以一夫無良遂百姓罹禍安  
人忍耻初是素懷今東作方興麥秋在近儻行侵  
抄深害農功一方之人實足矜憫應與淮西接界  
州縣各委本道都統節度都防禦團練等使明申

前勅嚴設隄防務使農人遂其耕穫賊若不先侵  
軼但自保守封疆勿令越境暴犯田苗及有侵掠  
務宣朝化以洽遠人仍於所在界首明加招諭咸  
令知委

放淮西生口歸本貫勅

遷徙家鄉分離骨肉有生之酷莫甚於斯朕撫育  
兆人庶臻理道懲過不可以不罰原情不可以不  
矜將推內恕之心用廣自新之路應從李希烈作  
亂以來諸道所有擒獲淮西生口配隸嶺南黔中  
等道宜一切釋放歸本道其投降人等權於諸州  
縣安置者亦任各從所適



令諸道募靈武鎮守人詔

朕以寬德君臨兆人憂四鄙之不寧懼一物之失  
所降心以懷戎狄期息征徭極慮以綏蒸黎冀遂  
安輯今夏岳牧咸能撫封九姓可汗存克敦好畧  
瀛之內期謂小康愛人雖發於朕心濟理實由於  
藩輔豈惟菲薄所致於茲然獨吐蕃負恩背盟棄  
約尚勞師旅備禦西陲亦賴方岳同心簡練傑俊  
助其防鎮遏彼奔衝數年以來造境寧謐乃眷靈  
武實惟雄藩扼東牧之咽喉控北門之管鍵軍懸  
寇迹地遠勢孤雖無交切之虞須建久安之策朕  
屬慮於此殆今累年晨思廢食暮想忘寐征兵益

戍則憚其勞師移人實邊又念其離土朕欲令萬  
姓各遂所安抑而使人情有不忍中懷結鬱罔知  
所從古人有言主憂臣憤今朕憂矣將相牧守得  
不與我同其慮哉此乃忠臣盡規之時勇士建功  
之日苟弘良筭必有其人宜令諸道節度觀察使  
各於本管諸色人中募能赴靈武鎮守者取其情  
願重設賞料仍須精選驍雄薄閑武藝便以本道  
諸色錢物給付仍優厚裝束發赴上都每道各據  
所管州縣多少通計每州所募多不得過五十人  
少不減三十人若欲將家口相隨便給資糧同發  
遣如有戶貫在州者蠲免本戶差科其官健到日



朕當超資与官至鎮便替朕之此意非務廣兵欲  
使四方驍雄俱到塞上壯邊城士旅之氣杜戎醜  
窺伺之心方岳信臣所當相悉勿令騷擾副我憂  
人

唐陸宣公集卷第五

故家  
氏圖書

唐陸宣公集卷第六

制誥卷第六

冊命祝冊祭文

冊淑妃王氏為皇后文

冊命祝冊祭文

維貞元二年歲次丙寅十一月丁亥十一日丁酉  
皇帝若曰乾坤合德聖人則之惟帝承天惟后配  
帝嗣續百代母臨萬邦位定于中而尊加於外德  
脩諸已而化被於人御於家邦所繫斯在三代崇  
替靡不由之予是以詢衆採賢重難茲命中壺虛  
位於今歷年陰儀或虧宗事無主缺於典禮朕甚  
愧焉稱是徽章聿歸全德咨爾淑妃王氏天與淳  
粹氣鍾元和含章在中發秀于外卓尔風操穆然  
容輝周旋中規進退有度仁愛共儉稟于生知詩

陸宣公



書禮樂成自師氏竭其孝敬祗事先朝承事無違  
克諧尊旨往居桂苑泐問已彰洎奉柩塗謙光載  
路言無伐善志在匿瑕柔嘉自持喜愠莫見六宮  
攸序九族以親嘗屬艱迓累從行幸思賢才以輔  
佐知臣下之勤勞庶績伊疑頗資內助永念頃筐  
之志且懷求劍之情崇位長秋永懷盛典矧惟元  
子貞我萬邦稽以舊章是宜從貴令遣攝太尉某  
官某持節冊命爾為皇后嗚呼敬哉王教之端始  
於內範風美關雎之化雅詠思齊之德罔懈厥位  
忝于前脩克念有終庶無後悔奉承休命可不慎  
歟

冊嘉誠公主文

惟貞元元年歲次乙丑六月甲子朔十二日乙亥  
皇帝若曰王者以義睦宗親以禮敦風俗義之深  
寔先於友愛禮之重莫大於婚姻故春秋書築館  
之儀易象著婦妹之吉子是用祗考令典率由舊  
章咨尔嘉誠公主孝友柔謙外和內敏公宮稟訓  
四德脩修疏邑啓封命為公主徽章所被禮實宜  
之令遣光祿大夫檢校司徒同平章事沂國公勉  
持節冊命尔惟欽哉下嫁諸侯諒惟古制肅雍之  
德見美詩人和可以克家敬可以行已奉若茲道  
永孚于休懋敷王風勿墜先訓光膺盛典可不慎



欽

冊蜀王妃文

維建中二年十一月某日皇帝若曰大茂建親戚以敦族固本明慎選納以厚別蕃嗣寔人倫之始王教之端也朕奉若謨訓允求淑哲賢必有象鍾慶於令門姻不失親載光於戚里故某官駙馬都尉田擇交第若干女生稟柔惠習知禮則容德純備孝睦洽聞可以叶美好述輔成樂善是用使某官某持節冊命為蜀王妃嗚呼敬之哉備禮以崇其好合起家而居其爵位非義信不固非溫順不親克恭匪懈則罔攸悔朕言必復可不慎歟

冊祀王妃文

維建中二年十一月某日甲子皇帝使某官持節冊命某官竇懿第若干女為祀王妃曰於戲禮以大婚崇繼嗣本人倫之教詩言淑女配君子繫王化之綱蓋率人成風由內及外得不采嘉耦以固盤石形閨門以御家邦詳求惟難歷選茲久時乃之擇得于舊姻柔婉稟乎天和禮樂成于家法明章婦順虔奉姆儀克茂鵲巢之規叶宣麟趾之美其祗膺嘉禮欽率內教淑慎厥心無替於後嗚呼可不慎欵

告謝昊天上帝冊文



維貞元元年歲次乙丑十一月癸巳朔十一日癸  
卯嗣天子臣某敢昭告于昊天上帝願惟寡昧不  
克明道下丕膺命俾作神主常恐獲戾上下而播  
災於人兢兢業業夙夜祗畏居位五祀德馨茂聞  
皇靈不款是用大敬殷憂播蕩踰歷三時誠懼烈  
祖之耿光墜而不耀側身思咎庶補將來上帝頤  
懷誘衷悔禍勦兇慝之凌暴雪人神之憤耻舊物  
不改神心載新茲乃九廟遺休兆人介福以臣之  
責其何解焉間屬寇虞久稽告謝今近郊甫定長  
至在辰謹以玉帛犧齊粢盛庶品冀憑禋燎式薦  
至誠太祖景皇帝配神作主尚饗

告謝玄宗廟文

維貞元元年歲次乙丑十一月癸巳朔十一日癸  
卯孝曾孫嗣皇帝臣某敢昭告于皇曾祖考玄宗  
至道大聖大明孝皇帝皇祖妣元獻皇后楊氏臣  
猥承聖緒獲主大器懼德不嗣靡所安寧任重道  
悠竟貽顛越京闕生變神人無依臣懷永圖不敢  
自棄忍耻含憤迨于載遷戴天履地俯仰慙惕幸  
賴烈祖遺澤感深于人心攸歸天意允若肆予  
小子憑宗廟之積慶再復于鎬京在臣愆尤曷嘗  
有補豈敢自蔽以重于厥辜頃以寇孽在郊禮物  
未備久稽告謝伏積兢惶今祗見闕宮引慝請罪



謹以一元柔毛剛鬣明粢鄉合鄉其嘉蔬醴齊目  
時俗物虔奉嚴裡尚饗

告謝肅宗廟文

維貞元元年歲次乙丑十一月癸巳朔十一日癸  
卯孝孫嗣皇帝臣某敢昭告于皇祖考肅宗文明  
武德大聖大宣皇帝皇祖妣章敬皇后吳氏臣嗣  
服先業不克負荷人流於下事失其中奸魁乘豐  
作亂京邑播遷之咎臣實自治震驚宗祧曠時乏  
祀外憂內愧若墜深泉勸已誓心期刷大耻實賴  
聖祖中興之業全育兆人澤深慶遠流福裔嗣故  
上天悔禍羣孽就誅非臣冥昧所能續服今祗率

百辟見于廟廷謹以一元大武柔毛剛鬣明粢鄉  
其嘉薦嘉蔬醴齊備物潔誠聿申告謝尚饗

告謝代宗廟文

維貞元元年歲次乙丑十一月癸巳朔十一日癸  
卯孝子嗣皇帝臣敢昭告于皇考代宗睿文孝皇  
帝伏惟玄德廣運重光盛業武平多難仁育羣生  
謂臣克堪付以大寶臣自底不類再罹播遷宗祧  
乏享億兆靡依下辜人心上負先願敢愛隕越苟  
全眇身大懼社稷沾危以增九廟之愧由是忍耻  
誓志庶補前羞列聖在天鑒臣精懇敷錫丕祐俾  
之績承克渠珍夷都邑如舊茲臣獲執犧牲珪幣



載見于廟廷感慕慚惶若罔攸厝謹以云陳誠待  
罪式奉嚴禋尚饗

祭大禹廟文

維貞元元年某月某日皇帝遣某官以牢醴之奠  
敬祭于大禹之靈惟王德配乾坤智侔造化拯萬  
類於昏墊分九州於洪波經啓之功于今是賴巍  
巍蕩蕩無得而名願以眇身辱承大寶時則異于  
今古道寧間於幽明雖依聖垂休諒非可繼而勤  
人勵已竊有所希迨茲八年理道猶昧沴氣鬱結  
降為凶災邦無宿儲野有餓殍上愧明哲下慚生  
靈夙夜憂惕如蹈泉谷所資漕運用極困窮底柱  
開道避險從易涉安代危嗷嗷烝人俟此求濟仰  
祈幽贊以集丕功享于克誠庶答精意

策問賢良方正能直言極諫科

皇帝若曰蓋聞上古至道之君垂拱無為以臨海  
內不理而人化不勞而事成星辰軌道風雨時若  
邈乎其不可繼何施而臻此歟三代以來制作滋  
廣異文質之變明利害之鄉威之以刑道之以禮  
敦其俗而彌薄防其人而益媮豈澆淳必繫於時  
耶何聖賢間生而莫之振也朕祗膺累聖之業猥  
居兆人之上乾居克勵如恐失墜憂濟庶務夕惕



晨興永惟前王之典謨是憲是則師大禹以崇儉  
法高宗以求賢典夏啓之征作周文之罰旌孝悌  
舉直言養高年敦本業平均徭稅黜陟幽明勵精  
孜孜勤六至矣然而浮靡不革理化不行暴亂不  
懲奸犯不息五教猶鬱七臣未臻鄉黨廢尚齒之  
儀烝黎無安居之志賦入日減而私室愈貧廉察  
日增而吏道愈濫意者朕不明歟何古今之事同  
而得失之効異也思欲剋革前弊創立新規施之  
於事而易從考之於文而有據備陳本末將舉而  
行無或憚煩略於條對自頃陰陽舛候稔沴頻興  
仍歲旱蝗稼穡不稔上天作孽必有由然屢推凶

災其咎安在傳曰時之不又朕罰常賜又曰堯湯  
水旱數之常也二者乖反其誰云從今人靡蓋歲  
國無廩積朕屢延卿士詢訪謀猷至乃減冗食之  
徒罷不急之務既聞嘉語亦已遵行而停廢之餘  
所費猶廣俟轉糧於江徼則遠不及期將搜粟於  
閩中則撓而無獲節軍食則功臣懷怨省吏負則  
多士靡歸中心浩然罔知攸濟予大夫蘊畜才器  
通明今古副我虛求森然就列匡朕之寡昧拯時  
之艱災畢志直言無有所隱

策問博通墳典達於教化科

皇帝若曰朕承祖宗之鴻烈獲主神器任太守重



懼不克堪思与賢士大夫共康理道虛襟以佇側  
席以求而羣議紛然所見異指或牽古義而不變  
或趨時會而不經依違以來七年於茲矣國制多  
缺朕甚惡焉今予大夫博習墳典深明教化褒然  
充舉咸造于庭其極思精心以喻朕之未寤仲尼  
叙禮樂刪詩書脩春秋廣易道六經之教所尚各  
殊豈學者脩行理當區別將聖人立意本異宗源  
施之於時熟為先後考之於道何者淺深差次等  
倫指明其義夫知本乃能通於變學古所以行於  
今今之教人則異於是工祝陳禮樂之器而不知  
其情生徒誦禮樂之文而不試以事欲人無惑其

可得耶將葦前非固有良術堯舜率天下以義比  
屋可封桀紂率天下以暴比屋可戮然則上之化  
下罔或不從而三仁四凶較然自異有教無類豈  
虛言哉作樂移風聞諸昔典夫至雅必淡至音希  
聲文侯列國之賢君猶曰則惟恐寐矧彼流俗其  
能化乎將使天地同和災沴不作黎人不丕變姦慝  
不萌何施何為以致於此王者制理必因其時故  
忠敬質文更變迭救三代之際罔不由之自秦刻  
古法漢雜霸道紛淪千祀王教不興國家接周隋  
之餘俗未淳一處都邑者利巧而無耻服田畝者  
朴野而近愚尚文則弥長其澆風復質人莫救其



鄙俗立教之本將安所從自昔哲工准以三正互  
用後之術士乃言五運相生以漢應火行則周為  
木德禮祿尚赤義例頗乖永言於茲莫識所理九  
流得失之論歷代興亡之由王鄭識理之異同公  
穀傳經之優劣必精必究用沃虛懷

策問識洞韜略堪任將師科

皇帝若曰朕遐觀典謨詳求理道三代之際粲然  
可懲未嘗不文武並興農戰兼務故能居則足食  
動則足兵兵足則威食足則固威則暴亂息固則  
教化行理國之本實在於此秦漢已降王制不備  
選士廢射御之儀教人無禮之禮即戎者不知

其稼穡力本者罕習於干戈於是異文武之人分  
農戰之道守則乏食征則鮮兵歷茲千年竟莫能  
復抑知者蓋寡將行之惟艱歟朕念之甚勤思繼  
前躅良以軍旅之士役戍靡寧勳庸既多爵秩咸  
貴俾服田畝慮興怨咨仰給縣官不可勝計由是  
版圖日減阡陌歲荒水旱小愆廩餉咸竭欲使軍  
人悅歸於耜耒儒者兼達於韜鈴田萊盡耕攻取  
必勝誘人孔易其術安施王者之師本於立德兵  
冢之法方務出奇德以信成奇以詐勝理有違反  
將何適從宋襄成列而敗軍見嘉魯策韓信決囊  
以摧敵取貴漢朝然則喪國正身豈霸王之道冒



危乘厄非仁誼之心所宜討論以定褒貶夫衆寡不敵克必以謀樂生下齊孫子破楚魏武之勝袁紹宋高之滅姚弘成敗之由備陳本末古人有言曰誅伐不可偃於天下又曰善為國者不師二端異焉其有深旨子房序次兵法任宏論譔軍書指明異同詳錄名氏想聞商略擇善而行

荅宰臣請停大禮表

朕失德致寇再經播越郊廟之主禋祀曠時感憤積中憂愧形外日月以異庶補前修賴天地降休祖宗儲慶再新景命祇復皇都自秋涉冬已遷於律候日心致享未展於孝思而公卿上言邀予以

備物都鄙興誦調予以勞人禮將俟於他年卜不先於近日永懷感慕情實未安雖則嘉話重遠其如至誠難抑所宜叅會群彥更擇近期無或因循以增不德

荅百寮請停大禮表

朕再經播遷久曠禋祀不惟霜露之感實貽墜失之憂賴先澤在人上帝臨我克平大難再復舊京朕之失德非曰能補旋欲請罷宗廟展敬郊丘追以羣情俟于獻歲今滌牲撰吉甫及近期齋心永懷明發不寐忽覽來表良深矍然雖嘉備慮之誠實乖昭事之意朕志先定期於必行即斷來表也



荅第二表

國之大事首在祀典所宜嚴奉以達至誠况今之  
時懷又異常日不克嗣守馴致寇戎淪陷國都震  
驚園寢幸憑玄祐再續鴻休播越三時久虧裡祀  
之禮旋歸半歲未申告謝之誠感愧積中若墜泉  
谷坐而待曙豈及上春庶乎天地靈祇以歆精意  
胡乃股肱卿士尚執疑謀出既不及告辭入又發  
於朝獻罔極之慕何心自安宜潔乃誠以祈所奉  
副予懇切勿復頻頻

荅第三表

三着來表深體乃誠明孝敬之大端陳安危之上

計祇率嘉話夫豈不懷永言思之固亦難抑進退  
慙惕罔知所裁中宵求衣當饋忘食且聿脩祀事  
所貴專精苟未至誠則如勿祭今近期甫及當齊  
潔敬之心而輿誦紛然猶執異同之論禮既虧於  
嚴奉事奚展於孝思以義制心勉依來請重予不  
德愧歎良深

荅百寮賀利州連理表

珍木呈祥允符靈貺顧惟不德何以當之朕聞人  
事聿脩天休乃荅今則兗渠尚在戎後方殷虐旱  
妨農飛蝗害稼諒咎徵之未弭曷嘉瑞而復臻所  
冀公卿大夫交匡不逮觀茲稱述益用懷慙



荅宰臣請復御膳表

嘗覽典謨每嘉儉德愛人惜費是朕素懷况大兵之餘繼以荒饉軍儲國計資用皆空凋戶疲氓膏澤已竭致人於此過實在予內懷憂慚躬自損貶今兗渠殘滅粟麥豐成皆祖宗垂休非寡薄所致矧乎邦畿之內餒殍猶多役戍之徒傷夷未復攷攷訓戒克已增脩猶懼辱守寶圖罔荅玄祐豈宜暇逸以厚厥躬卿等誠在致君將順其頌惟虛缺非所宜然

荅百寮請復御膳表

頃者大勞不息至化未孚而澤愆期蟲蝗為害朕

以銷災謝譴莫大於脩誠節用愛人必先於克己顧慚愆咎躬貶曠羞下以均衆庶之憂上以荅昊穹之儆至誠或感嘉應遂臻宿麥方成元兗已殄慶深德薄惕厲彌加忽覽表章過為稱述雖將順其美則曰乃誠而戒慎不忘諒惟朕志未喻來請深體此懷

唐陸宣公集卷第六





唐陸宣公集卷第七

制誥卷第七

除授書

李晟司徒兼中書令制

圖書

李晟司徒兼中書令制

雲雷構屯寓孫興難非山岳降神不生良弼非股肱叶契不集大勳故高宗得傳說中興殷邦宣王任吉甫重光周道天寶之季寇陷二京時則先臣子儀翼戴肅宗戡定禍亂再造區夏于今賴之肆子小子獲纘丕構不克負荷失守宗祧天祚我唐降生忠烈有社稷之臣曰開府儀同三司檢校尚書左僕射中書門下平章事文神策軍節度鄜坊等州管内觀察處置等使京畿渭南渭北商華等州兵馬副元帥上柱國合川郡王李晟沉肅有勇



堅明能斷聞難感憤誓軍徂征誠激于衷義形于色自河之右萬里濟師殷然雷奔大盜懾駭屬皇家不造戎師誘姦重茲播遷郊甸震蕩而戢蓄銳養士深壘固軍以謀吞元兇以義糾群帥躬擐甲胄率先啓行布忠信為軍聲持義烈為戰器廓清氛沴寧復皇都宗廟載安宇宙斯泰佐丁興運時乃茂功德厚者任宗業盛者報重升以元輔建于上公熙庶績而翼宣九歌擾兆人而敬敷五教用疇并賦貽厥子孫興國咸休永播丕烈可用徒兼中書令仍賜食封一千戶餘並如故俟還京後所司擇日脩禮冊拜宣示中外以彰元勲

蕭復劉從一姜公輔平章事制

宰輔之任獻替為務內凝庶績外撫四夷調陰陽以成歲功贊化育而熙帝載若金用礪其弼予違如早為霖允從人望矧時屬多難弥切任賢朕未嘗不朝夕論思夢寐懷想道之所在人遠乎哉朝議大夫守戶部尚書兼御史大夫玄荆襄江西等道都元帥統軍長史豐縣開國公賜紫金魚袋蕭復性質端亮理識精敏約已弘物體方周圓為邦必表其理能及雷亟聞於紘議動可成範立不易方守尚書吏部郎中兼御史中丞充荆襄江西等道都元帥判官賜緋魚袋劉從一貞白其行溫恭



其文居簡而適用必通禮和而臨事有立持重能  
斷端慤有恒累更委任多所弘益守京兆府戶曹  
叅軍翰林學士賜緋魚袋姜公輔志懷濟物監必  
通理主文而諫忠靡退言經始以謀事皆前定道  
無屈撓智適變通並可以叅贊大猷光膺僉屬兵  
戎未靖期爾經綸都邑未康期爾還定予一人有  
過爾是用匡伊萬姓不寧爾是用又欽哉慎乃有  
位罔瘳厥官復可守吏部尚書同中書門下平章  
事散官封賜如故從一可守尚書刑部侍郎同中  
書門下平章事賜紫金魚袋公輔可守諫議大夫  
同中書門下平章事賜紫金魚袋

張延賞中書侍郎

兩漢致理由乎審官多以牧宰高第入居台輔黃  
霸自潁川而次遷丞相卓茂由密令而超拜三公  
蓋以為國本於親人舉賢先於稱職旌能勸善風  
化大端今草車荐興賦煩人散匡弼寡昧屬于才  
臣光祿大夫檢校吏部尚書兼成都尹御史大夫  
充劍南西川副大使管內度支營田觀察處置等  
使上柱國魏國公張延賞崇飭文行勵精理道踐  
歷中外所至有聲慮必周密心無屈撓簡廉以肅  
吏慈惠以愛人明以照姦和以定衆去若始至久  
而見思秉志不渝課績常最以爾循良之化佐予



綏兆人以尔經綸之才佐予熙庶績仍資威重兼  
領蕃維式慰甘棠之思且繼緇衣之美懋昭邦典  
勿替家聲可中書侍郎平章事依前兼成都尹餘  
如故

渾瑊侍中制

論道經邦興戎定亂孰是二柄毗予一人得諸全  
才康濟大難懋官昨土倫舉彝章開府儀同三司  
檢校尚書左僕射同中書門下平章事兼靈州大  
都督府長史充靈鹽銀夏等節度管內觀察處置  
度支營田押蕃落等使仍充朔方邠寧振武等道  
奉天永軍行營節度副元帥柱國樓煩郡王渾瑊

神降才傑天資忠厚叶于興運為國輔臣往以盜  
起上京駕言出守羣兇怙亂再犯郊畿時乃奮揚  
武威董制師律深居籌畫奸慝寢謀當敵指揮士  
旅增氣危城克固我伐用張重以賊臣蔑恩養寇  
資亂再罹艱阻播越巴梁時乃并轡載馳執羈從  
邁有見危致命之節有憂國滅私之誠凜然貞規  
介若金石縱橫有夷難之略感激陳復國之謀分  
總偏師徑出重險秉大節以誓羣師布寬令以宥  
脅從師次近郊摧兇非抗軍臨近甸下邑如歸推  
成功以不居期盡敵以自効率其全衆揚旆前追  
維威疾馳元惡授首柔德懷服餘黨歸心掃闢氛



昏安復園寢懋乃嘉績其維格天范燮之讓能耿  
弇之沴冠摠是二美域其有焉足以垂勲旂常垂  
美竹帛宜首台階之列仍疇井邑之賦祗膺時命  
無替厥庸可侍中仍賜實封八百戶餘如故

盧翰劉從一門下中書侍郎平章事制

寅亮天工弘宣理本俾予從乂時乃輔臣扈蹕載  
驅以勞定國懋官遷列式是彝章銀青光祿大夫  
行尚書兵部侍郎同中書門下平章事范陽縣開  
國公盧翰嚴重不撓貞方自持養恬鎮俗居簡濟  
衆言思無隱事必同恒守刑部侍郎同中書門下  
平章事賜紫金魚袋劉從一質厚氣深識精體遠

冲用無竭貞規不渝從容以和出納惟允自鸞車  
載駕薄狩予梁執羈有從我之勤及雷勵匪躬之  
節交脩不逮庶績其凝俾承命於掖垣仍叅堂於  
樞務今百度伊始六府載張論駁是非不可以不  
審宣揚憲令不可以不明爾其欽承無墜我休命  
翰可門下侍郎同中書門下平章事散官勳封如  
故從一可中書侍郎同中書門下平章事餘如故

劉滋崔造齊映平章事制

朕嗣位君臨精求理道小大之務靡不經心日慎  
一日于今八載教化未洽蒸黎未靡因之以甲兵  
繼之以災沴斯固鑒有所不至慮有所不周予深



浩然若涉深水思所以匡我致理助我官人宣其  
澤而四方以寧執其要而百工式叙允是大任其  
惟輔臣夢想勞懷敷求俊乂察言而觀行曰事以  
考能周行之中乃得良弼權知吏部侍郎劉滋操  
履貞清介然自守居能慎獨重不違仁析理究其  
精微勵學探於奧旨守給事中賜緋魚袋崔造性  
合道要誠通化源適時有成務之才事上懷匪躬  
之節蘊蓄器業居為名臣中書舍人賜紫金魚袋  
齊映脩己以立自明而誠體賢人可大之規用君  
子時中之道虛受能擇清通不流惟滋之直方可  
以激風俗惟造之體度可以振休綱惟映之精深

可以該物理我有大典爾其參之懋昭厥猷勿替  
休聞滋可充散騎常侍同平章事造仍賜金魚袋  
其有散官封賜並如故

李納檢校右僕射平章事制

忠所貴乎竭誠善莫大於改過况茂勲有舊崇德  
日新翼戴勵勤王之節經綸申盡敵之略敦獎之  
道時惟國章平盧淄青節度管內度支營田處置  
等使開府儀同三司檢校工部尚書使持節鄆州  
諸軍事兼鄆州刺史隴西郡王李納稟性端厚執  
心寬簡通變適用和順積中服勞王家夙有成績  
乘秋徼塞克著威聲累歲專城載揚理行間者心



懷險阻誠義鬱堙旋能歸款上聞期於率德自効  
忠節純固久而益彰爰整銳師式遏亂略保障宋  
服填壓浚郊疑如長城作固東士嘉乃率服之美  
懋乃輸力之勤擢升衮司載董戎翰玄成嗣台輔  
之業亞夫繼社稷之勲俾爾兼榮無替厥服檢校  
右僕射平章事餘如故

韓滉檢校左僕射平章事制

周召由輔弼之臣兼方伯之任蓋以理化根本在  
於親人通兆庶之情以佐天子秉家邦之慶以臨  
諸侯故能中外允鑿上下無壅今我有命意其在  
茲金紫光祿大夫檢校尚書左僕射兼潤州刺史

御史大夫充鎮海軍浙江東西節度觀察處置等  
使上柱國南陽郡開國公韓滉文行忠信脩修身  
之道勤儉貞固有成務之才累更委遇多虞繁重  
一心奉職終始不渝內告謀猷以匡時化外持憲  
法以一入心理尚廉平事督將勸耕盜衰息禮義  
興行惠茲一方時乃之德陳師旅以遏寇讎納餽  
糧以脩職貢張我威武實我資儲今必應期謀無  
愆素濟于多難時乃之功宜其恭務中樞翼宣大  
化仍兼漕運兼領蕃維樹南國之風猷瞻中國之  
廩實子則有望尔其懋哉繼予前人無替厥服可  
檢校左僕射同平章事依前鎮海軍浙江東西節



度觀察處置等使兼充江淮轉運使餘如故

李勉太子太師制

立國之本所繫於元良弘教之方必由於端士非  
精識前典德冠當時恭敬溫文其將安做吾是以  
輟台階之老選宗室之賢輔翼春闈是資教諭檢  
校司徒同平章事充太清宮使崇文館大學士上  
柱國沂國公李勉忠信孝友直方簡儉達君臣父  
子之際知禮樂教化之端虛澹保和貞明竄欲求  
舊則德懋叙親則屬尊師範國儲無易其選可檢  
校司徒兼太子太師散官封勳如故

姜公輔左庶子制

君之任臣有優賢賜告之義臣之事君有量力知  
止之道故能進退以禮終始可勝此朕三事大夫  
齊理圖全之意也守諫議大夫同平章事賜紫金  
魚袋姜公輔首舉高第擢居諫曹美資茂才參掌  
密命居易勸脩身之操見危著從我之勤自處台  
司累疏陳乞忌滿思退持盈守謙留中久之重難  
其請式光撫揖俾尹官坊可太子左庶子勳賜如  
故

崔造右庶子

宰相之職允鰲百工時惟仰成不可廢闕中散大  
夫行給事中同平章事上柱國安平縣開國男賜



紫金魚袋崔造頃居掖垣叅掌樞密總領繁重積  
勞疹深亦既優賢賜之長告歲聿云暮有加無瘳  
披誠自陳章疏三上知止之道守之甚堅處以休  
閑俾遂願養可太子右庶子勲賜如故

盧翰太子賓客

求賢審官以康庶績就閑優秩以處舊臣蓋欲敦  
終始之恩全進退之禮金紫光祿大夫行門下平  
章事范陽郡公盧翰頃日多難從我于征以其年  
及老成任推先進方將求舊擢處台衡荏苒迄今  
亟淹星歲勤勞既久衰疾有加宜從職於春闈用  
優賢於暮齒可太子賓客勲賜如故

卷第七  
唐書

唐陸宣公集卷第八

制誥卷第八

賈耽東都留守制

河洛舊都時巡以居守俾之保綏間者淮  
甸不寧汝墳屢警增置軍府作藩王畿職任既分  
威望非重思有摠制一其典刑爰資信臣往又東  
夏銀青光祿大夫守工部尚書魏國公賈耽豁達  
貞方識通大體明九域山川之要究五方風俗之  
宜恒因物情以施教化所莅之郡霽其休聲悅李  
廣之風人皆自便懷羊祐之德敵不敢侵自誠而  
明在久彌著分我憂寄實惟其人董制軍師安集  
疲瘵統禦都邑提持紀綱懋昭厥猷無替朕命可



守本官兼御史大夫充東都留守東都畿汝州都防禦觀察等使判東都尚書省事散官勳封如故

崔縱東都留守制

居守之重固難其人近歲以來益又繁綜領廉察之任專禦備之權地廣務殷一皆咨稟非利用罔以通濟非純德不能保綏周爰咨詢公論有屬銀青光祿大夫行尚書吏部侍郎上柱國安平縣公崔縱素風自遠代濟忠貞慶之所鍾繼有才哲氣質淳茂識度淹通蘊經遠之沈謀宣適時之利用覓而不施簡則能周以茲公方多歷要重小大之務必聞休聲輟於周行式是東夏擢居春官之長

且兼副相之雄懋昭厥庸期復先構可檢校禮部尚書兼御史大夫充東都留守判東都尚書省充東都畿汝唐鄧等州都防禦觀察處置使散官勳封如故

普王荆襄江西道兵馬都元帥制

君人立極所務於勝殘秉律成師寔先於謀帥申明號令揔持紀綱弘九合之功決百勝之略非慎東不可以濟事非僉屬不可以臨民集大勳者必舉於宏綱體至公者無避於內舉爰擇蕃翰俾掌元戎開府儀同三司舒王謨性稟忠厚訓知禮樂居常樂善動不違仁察其內恕外溫必能安人和



衆體方識敏諒可成功庶乎知子之明授以貞師  
之律可揚州大都督持節充荆襄江西沔鄂等道  
節度使及諸軍行營兵馬都元帥餘如故仍賜名  
誼改封普王嗚呼小子誼其敬聽朕命我國家之  
有天下百七十載于茲矣祖宗垂化紹統功德繼  
茂威加殊俗惠洽普天海隅蒼生代受亭育躋之  
於福壽煦之以仁和源廣流長慶深祚遠曆數有  
嗣續于朕躬兢兢業業懼不負荷虔恭寅畏歲五  
周星循列聖之耿光稽上古之謨訓一物失所是  
用疚心萬方有罪每懷咎已懸法皆考於天則舉  
事必酌於人謀期合大中國循私欲而涉道猶淺

燭理未明文闕於化成武乏於定亂刑賞失中授  
任乖方厚澤未均大信未著致使兇惡熾禍干紀  
亂常悖違君親蔑棄天地盜據我都邑痛毒我士  
庶驅脅丁壯暴骸於原野攘奪羸老轉死於溝壑  
忠良隕命義烈銜冤迫以兇殘莫由自奮憤深骨  
髓怨結蒼旻朕所以中宵屢興終食三歎哀蒼生  
之無告閔赤子之非辜為人父母寧忘愧悼賴三  
事大夫竭誠於內羣帥爪牙宣力於外交備不逮  
日冀康寧江漢上游建旆制寇亘千里之地連十  
萬之師保大定功宜有統壹允副茲選往哉汝諧  
無以貴驕人無以善自伐無縱已之慾無拂衆之



謨從諫如流改過勿吝卑躬降志以奉賓傳絕甘分少以撫軍師布誠信以歸人心明賞罰以盡士力詰姦誅暴懋昭乃勲故事恤人無替朕命膺茲重任可不勉歟建中四年九月二十六日

馬燧渾瑊副元帥招討河中制

天地殊位君臣異制苟不率道茲謂亂常退而增備於是舞干之義論以遷善於是文告之辭若猶不悛乃用致討興戎動衆豈得已哉李懷光擢自軍候委之節制亟有勳績累加寵榮摠衆駿奔自遠赴難解圍逐寇朕甚德之位極上台寄崇摠帥親之若同體信之無間言朕於斯人亦已厚

矣而器小任重固貽顛覆有功自棄無罪自疑崇信讒邪脅逐將帥養寇資亂蓄奸幸災朕素所推誠猶謂非實優容任遇坦然如初凶跡既盈醜跡弥露謀危社稷通結渠魁公相往來無復忌畏窮極兇悖所不忍言朕播遷巴梁遠陵寢大懼失墜為列聖羞賴先澤在人兆庶知感朔方將士忠節不渝懷光既沮姦謀詭稱効順累陳款疏請詣闕庭朕深惟舊勲務欲全貸授以師保之任疇其并賦之食璽書勞問誓以終始懷光遂殺辱使臣完聚守保將以悖慢之罪加於忠義之軍因茲脅從冀與同惡謂衆可罔謂天可欺覆載所不容人



臣所共棄討除大慙招輯非辜爰咨輔臣以董戎  
寄銀青光祿大夫檢校司空同中書門下平章事  
兼太原尹北都留守充河東保寧軍節度使北平  
郡王馬燧操業端亮器宇宏達秉難奪之節負不  
羈之才常持至公深識大體感激而三軍有勇彌  
綸而庶績允諧威聲所臨郡邑皆復殿于北土隱  
羞長城奉天定難功臣開府儀同三司行侍中兼  
靈州大都督靈鹽豐夏等州節度使管内度支營  
田觀察處置押蕃部落等使充朔方邠寧振武等  
道奉天永平等軍行營節度兵馬副元帥上柱國  
樓煩郡王渾瑊淳粹積中仁厚成性布寬大以容

衆著誠信以撫人事必沉詳臨危益辦節惟貞固  
在險逾彰弘濟艱難懋昭勲闕出納朕命光膺具  
瞻並文武全材安危注意副我憂屬時惟二臣比  
德協謀往清多難燧可兼充奉誠軍及晉隰磁等  
州節度管内諸軍行營兵馬副元帥餘並如故瑊  
可兼河中尹充河中絳州觀察處置等節度使仍  
充河中絳州同陝虢等管内諸軍行營兵馬副元  
帥功臣散官勲封如故嗚呼朕不敏不明失於君  
道連禍未息勞師靡居中心自咎鬱若焚灼又以  
朔亡之衆代著忠勞橫遭汚脅深所憫惜尔其敬  
敷朕命明諭朕懷務於招綏非黷威武惟輸誠歸



順罔有不赦惟執逆拒命罰止元兇寧失不經無  
濫無罪列爵懸賞用俟勲賢布告遠迩咸令知委

李晟鳳翔隴西節度兼荆原副元帥制

周之元老以分陝為重漢之丞相以憂邊見稱故  
方岳克寧疆場不聳安人保大致理之端今所以  
重煩上台作鎮西土奉天定難功臣司徒兼中書  
令充神策軍節度鄜坊丹延等州觀察處置等使  
仍充京畿渭北鄜州華州兵馬副元帥上柱國合  
川郡王李晟勵精剛之操體博天之德適時通變  
而大節不奪虛受廣納而獨斷自明奉法以身推  
功以下衆無犯命人用樂從懷德畏威令行禁止

警羣師於危疑之際駐孤軍於版蕩之中氣凌風  
雲誠動天地一鼓而兇徒懾北再駕而都邑廓清  
師皆如歸人不知戰再安社稷功格皇天而明識  
秉彝清風激俗雅尚恬曠禱謙有光朕以沂隴近  
郊扶風右地川阜連亘祗於田中限界諸夷藩屏  
王室所屬誠重付之元臣兼二將之甲兵崇十連  
之元帥宣威耀武罷警息兵俾予仰成時乃丕烈  
可兼鳳翔尹充鳳翔隴右節度營田觀察處置等  
使仍充鳳翔隴右涇原節度晉內諸軍及四鎮北  
亭行營兵馬副元帥改封西平郡王功臣本官兼  
官如故



劉洽檢校司空充諸道兵馬都統制

論道經邦允歸碩望建牙統衆必藉雄才中外具  
瞻安危注意今以二柄付之元臣開府儀同三司  
檢校尚書左僕射同中書門下平章事持節宋州  
諸軍事兼守州刺史充宣武軍節度營田宋毫穎  
等州觀察處置等使仍權知汴滑宋毫等州都統  
兵馬事懷德郡王劉洽秉志端亮飭躬簡儉博厚  
足以容衆和易足以長人純孝榮親盡忠事國分  
我聞寄殿于大藩扼制淮夷保障楚甸戎捷繼至  
軍聲再揚殪群兇於宛丘驅大憝於梁野控引漕  
輓委輸京師予嘉乃勲懋乃貞節用錫丕命俾揚

洪休燮贊三台紀綱群帥式是大任爾惟欽哉可  
檢校司空同中書門下平章事依前宣武軍節度  
使度支營田宋毫等州觀察處置等使仍充宋毫  
穎等州管內諸軍兵馬都統散官勲封如故

唐陸宣公集卷第八





唐陸宣公集卷第九

制誥卷第九

渾城京畿金商節度使制



王者之制安不忘危弘其道則文武齊致教其人  
則農戰兼務故雖縣內不可去兵况密迩寇虞干  
紀稔慝都邑郊甸騷然靡寧聿求信臣特建戎號  
濟人夷難允屬勲賢京畿渭北節度使兵部尚書  
行在左都虞候渾城忠貞博厚温恭簡肅持重不  
撓好謀而成居業克敷其詩書受賜每陳於廊廡  
能推誠而撫下不伐已以拒人委任中外咸著聲  
績夷險一貫隱然殿邦朕越在郊垌徧於克醜授  
之師律式是戎昭侍衛增嚴斥候無爽檢身齊衆



同士伍之勞苦敦陣整旅壯行列之威容靜以伐  
謀動而制勝臨危勵節予有賴焉王圻之內沃讓  
千里綿亘商嶺屏於南門觀風靖人誥禁誅暴俾  
尔兼領用孚于休可京畿渭北渭南金商節度觀  
察處置等使餘並如故

杜亞淮南節度使制

淮海奧區一方都會兼水陸漕輓之利有澤漁山  
伐之饒俗具五方地綿千里聿求良牧豈易其才  
今又革車方興軍賦屢調體於寬大則事缺務於  
辦集則人殘自非剛柔適中文武兼備其何以副  
我憂屬惠綏南方正議大夫行高書刑部侍郎上

柱國扶風縣開國男杜亞識精體要學究宗源妙  
於用而有常通其變而能久為理敦教化之本立  
言參禮法之中道無端磷行有枝葉回翔省闥表  
彌綸獻納之勤踐歷方州著清淨循良之稱其嚴  
重可以鎮俗其才術可以匡時休有令問輝映朝  
列朕以東南思又注意求賢爰輟名臣俾寧藩服  
往率厥職時惟欽哉可揚州大都督府長史兼御  
史大夫充淮南節度觀察處置等使  
虔王申光隨蔡等州節度使制

自昔哲王疆理天下必選其明德樹之宗親參制  
藩維夾輔王室賢戚並建時惟休哉長淮之西厥



壤千里入靡寧息于茲有年朕其永懷慘若焚灼  
思得良帥代予安人釋其危疑彰我信惠以親而  
授其在於茲開府儀同三司虔王諒性本溫恭生  
知忠孝祇服訓導躬行不渝言皆副誠事必求當  
端慎可以鎮俗寬厚足以長人底綏一方庶允憂  
屬可申光隨蔡等州節度副大使管內觀察處置  
等使餘如故

唐朝臣振武節度論惟明鄜坊觀察使制

分命使臣統臨方岳弛張之道蓋亦從宜近甸無  
虞則但廉風俗邊陲式遏則兼假旌旄名制雖殊  
委任俱重膺是選命茲非勳賢開府儀同三司檢

校兵部尚書兼鄜州刺史鄜坊丹延等州節度觀  
察處置等使平樂郡王唐朝臣嘗摠偏師邁于多  
難仗義率衆臨危不迴保全關衝抗絕完逆守而  
能固出則有功每急病而讓夷嘗以寡而敵衆竟  
殲大憝克集茂勳炳然貞心堅若金石洎師旋歸  
按俗頒條軍旅慰安流庸悅附奉天定難功臣開  
府儀同三司檢校工部尚書兼左金吾衛大將軍  
克右街使上柱國建康郡王論惟明釋位勤王有  
赴難之節扞城禦寇有持危之功奉主忘身棄家  
從國越自郊甸再踰巴梁險阻艱難靡不陪扈忠  
義所在生死以之乂司禁戎益茂勳緒器質敦實



識度寬敏通明吏職練達武經本之以純良輔之  
以才術俾居藩翰僉謂汝諧朕以北控單于國之  
臣鎮彼方戎帥沉痾是嬰卧護邊軍已淹寒暑憫  
其盡瘁難以重煩爰咨信臣更踐厥職朝臣可依  
前檢校兵部尚書兼單于大都護御史大夫充振  
武綏銀鄜勝等州節度營田處置押兵藩落等使  
惟明可依前檢校工部尚書兼鄜州刺史御史大  
夫充鄜坊丹延等防禦觀察處置等使餘並如  
故

韓滉加檢校右僕射制

周制以輔翼之臣出作方伯漢官以牧守之最擢

拜公卿其在匡時中外同體朕以大勞未又勤卹  
於黎元多難荐興注意於藩岳就加命服式寵能  
賢則增秩進律亦古之道也金紫光祿大夫檢校  
吏部尚書使持節潤州諸軍使兼潤州刺史御史  
大夫充鎮江軍浙江東西節度觀察等使韓滉忠  
肅剛直清公簡儉持至公以檢下強禦必繩秉大  
節以事君險艱無易惠能恤衆明足照姦歲茲勤  
王之師日增贍國之賦軍無撓敗俗以阜康殿于  
大邦理平訟息朝有勸典昭升乃庸胙土以報勤  
懋官以旌德底又江甸永孚于休可檢校尚書右  
僕射進封昌黎縣開國公餘如故



嘉王橫海軍節度使制

度土分疆設官莅事曰時設制期在理安必順物  
宜且從人欲版圖既溢則疏邑以制州統攝或乖  
則分部而建長公革之道亦何常哉滄海之隅地  
饒俗阜隱然北土實曰雄藩鎮撫之宜是資懿戚  
開府儀同三司嘉王運氣本元淳重承先訓忠肅  
孝友寬仁惠和勤於服儒樂在為善施於事任必  
有可觀舉不失親至公斯在欽率厥職永孚於休  
可橫海軍節度使滄景等州觀察處置等使勳封  
如故

馬燧李臯實封制

列爵以旌德胙土以報功國有彛章是用褒勸朕  
以不德間逢多虞蒲坂有叛亂之臣淮沂有僭逆  
之帥萬姓罹害四方靡寧奉誠軍節度兵馬元帥  
檢校司徒兼侍中馬燧聞難之初忠誠奮發躬帥  
士旅討茲不庭略地如歸攻城必克晉絳磁隰靡  
然向風元兇勢窮竟就梟戮清我甸服時惟茂勳  
荆南節度觀察處置等使檢校戶部尚書嗣曹王  
臯親率全軍抗於強虜晝夜不息迨於三年謀成  
必滅師出皆捷復斬黃之地拔安陸之城隱其威  
名保又江漢並著節于國功存于人跡効炳然僉  
議攸屬雖懋官已序而食賦未加疇庸之科無乃



有闕宜其寵錫以答殊休燧可賜實封五百戶通  
前七百戶皐可賜實封三百戶

韓滉度支鹽鐵轉運使制

食貨所資邦家大本摠領之重必推元臣故周以  
家宰制國用漢以丞相調軍食官給人足謂之善  
經今戶口凋傷財產衰耗邊疆未靜役費尚多思  
欲均厚澤之征權重輕之制國無匱乏人不怨咨  
運籌佐時其在良輔金紫光祿大夫檢校尚書左  
僕射同中書門下平章事充鎮海軍浙江東西節  
度兼江淮轉運等使晉國公韓滉昔事先朝常掌  
邦賦貞心獨立一志在公吏無姦欺財以饒羨自

臨江甸事舉風行職貢有加轉餉相繼成功允集  
艱食用康介于方隅未極材術宜其弘濟式副具  
瞻可充度支及諸道鹽鐵轉運等使餘如故

李紳明右僕射制

行止兩全必惟明哲致其用以匡國敦乎道以保  
身周旋令名始終不替斯賢者極致而行之實難  
金紫光祿大夫守太子少傅檢校尚書右僕射持  
節梓州諸軍事兼梓州刺史御史大夫充劍南東  
川節度副大使知節度事管内度支觀察處置等  
使蘇國公李紳明稟粹挺生鬱為邦傑虛懷朗暢  
達識周通早以器能累更任遇中外所踐必聞休



聲嘗尹京師姦豪屏息洎臨方岳風俗澄清吏服  
嚴明人懷德惠憂公奉職勵節存誠服勞王家行  
及三紀以茲盡瘁沉恙所嬰扶疾趨朝披誠告老  
固陳衰瘵深戒滿盈情皆發衷語且形泣視其激  
切良所軫懷敦勸既頻辭乞弥固繼獻章疏期於  
必從省之憮然用增感歎雖惜其舊德往泣遐藩  
而憫以高年難違懇志猶資碩望俾長庶察罷方  
鎮之煩揔中臺之重式彰尚德且示優賢可依前  
守太子少傅兼尚書右僕射

李澄贈司空制

既明且哲以保其身求之昔賢鮮克全俗良以謀

始匪易慎終尤難其有志奉公家力輔王室見危  
而立節將沒而陳誠操尚堅明謀猷深遠憂國無  
忘於顛沛周身不離於令名有臣如斯可以旌勸  
故義成軍節度滑鄭等州觀察處置等使開府儀  
同三司檢校尚書右僕射兼滑州刺史御史大夫  
上柱國武威郡王李澄天授將材勇而多智臨危  
不懼見義必為崎嶇險艱勲節兼著勤於廣業曾  
未遑安帶甲臨戎連年野處積勞成瘁霜露所侵  
瘠疾攻中癰疽發外迨茲病亟不替忠誠憂國疚  
懷戀闕流涕懼軍戎之乏帥念方鎮以為虞上表  
披陳懇求代免辭情激切備慮精深視之感傷當



宁興歎雖史魚之陳尸納諫吳漢之在疚獻謀比  
方於此不足多尚天胡不容奪我良帥惻然嗟悼  
用切深衷始終存義澄實有之褒美飭終是宜加  
等可贈司空賜物五百段米粟三百石以左散騎  
常侍歸崇敬充使吊祭而緣喪葬並准式官供仍  
以澄讓表宣付史館以彰忠節

除鄧州歸順官制

迫以兗威陷于寇境義不受汚忠能奮誠履重險  
而不回處疾風而逾勁忘軀徇義獻款投誠足以  
勵彼勤王激其汚俗去逆効順固先典之攸嘉懋  
賞勸功驗勳章而不昧咸從序用俾服官常可依

前件

云

李納檢校司空制

鄭武公父子繼為周司徒內居股肱外作藩翰詩  
美緇衣之德傳稱夾輔之勳我懷斯人今得長弼  
開府儀同三司檢校尚書古僕射同中書門下平  
章事充平盧淄青節度管内度支營田觀察處置  
陸運海運押新羅渤海兩蕃等使隴西郡王李納  
宇量宏博質性沉毅軀仁能斷見善必遷蘊非常  
之才守以純一秉難奪之節著于艱危昭升令問  
茂建勳績屬淮夷構亂東夏震駭奮旅徂征坐籌  
制勝解商丘之難攘彼兇殘釋陳城之危傳厥渠



帥德功克懋官賞宜崇庸違上台宜賜真食惟乃  
先服勤勞王家以發邦之勲參論道之職俾爾嗣  
績光于前人荷國之寵章承家之丕構敬慎厥德  
永孚于休可檢校司空同中書門下平章事仍賜  
實封五百戶餘並如故

唐陸宣公集卷第九



唐陸宣公集卷第十

制誥卷第十

賜李納王武俊等鐵券文



維興元元年歲次甲子正月癸酉朔二日甲戌皇  
帝咨爾某官某嗚呼王若所以撫人失於所撫則  
叛下者所以奉上失於所奉則刑各當其理德用  
不擾各違其亂於是生朕德薄化淺昧於君道  
罔知省己姑務責人是以徵師徂征連歲靡息惟  
爾以誠志之不違反反于厥衷阻眾興戎結黨拒  
命豈非上失於所撫而下失於所奉歟書曰萬方  
有罪罪在朕躬我實不德兆人何咎俾廢其生業  
離於室家陷于困窮死于戰陣老疾廢養孤惇靡



依然結蒼生感傷和氣朕為人父母得不愧于心  
哉晨興以思夕惕以悼自嗣位迄今六載天將悔  
袖朕方覺悟爾亦知衆心之厭亂思所以保安叶  
于朕懷若應符契非天地合德人神合謀將茂育  
羣生則何以臻此朕是用上順天意俯從人心滌  
爾疵瑕復爾爵位坦然靡阻君臣如初功載鼎彝  
名藏王府子孫代代為國勲臣河山帶礪傳祚無  
絕朕方布大信承天子人若食其言何以享國嗚  
呼其祗若命用保無疆之休

賜安西管內黃姓燾官鐵券文

維貞元二年歲次丙寅八月丁巳朔二日己未皇

帝若曰咨爾四鎮節度管內黃姓燾官驃騎大將  
軍行左金吾衛大將軍負外置同正員兼試太常  
卿頓啜護波支惟爾乃祖乃父代服聲教勤勞王  
家勲書于鼎彝族列于藩籍爾克紹先祖之烈而  
重之以忠貞嗣守職官祗若朝化率其種落保我  
邊陲丹誠向化萬里如近是用稽諸令典錫以券  
書若金之堅永代無變子孫繼襲作我藩臣爾其  
欽承勿替休命

慰問四鎮北庭將吏勅書

四鎮北庭將士官吏僧道耆壽百姓自祿山首亂  
中夏不安蕃戎乘豐侵敗封略道路梗絕往來不



通哀我士庶忽如異域控告無所歸還莫從朕未  
嘗一夕忘懷而事勢不及相卹興言軫念忽以涕  
流卿等咸蘊忠誠誓死不屈或早從征鎮白首軍  
中或生在戎行長身塞外克奉正朔堅保封疆援  
絕勢孤以寡敵衆晝夜勞苦不得休息歲時捍禦  
不鮮甲冑勲高百戰義叶一心介然孤城獨守臣  
節日來月往三十餘年奉國之誠久而彌勵求諸  
今古忠烈莫傳義激人倫名光史冊蠢動知感况  
於朕懷朕嗣守洪業君臨宇內思安兆庶以絕戡  
爭遂與替善約定好和集藩漢土庶告天地神祇  
設壇會盟永息邊患疆場罷警于今六年近以賊

臣朱泚背恩驚犯宮闕贊普又遣師旅助討姦兒  
兩國交懽事同一體北庭去此遙遠信使難通於  
西蕃既非便宜在國家又絕來往永念士庶隔在  
殊方歸路無日親戚永訣為人父母實所感傷已  
共西蕃定議兼立誓約應在彼將士官吏僧道耆  
壽百姓等並放歸漢界仍累路置頓供擬發遣待  
卿等進發然後以土地隸屬西蕃今故遣太常少  
卿兼御史大夫沈房及中使韓朝彩等往彼宣諭  
仍便與西蕃交割卿等宜遞相慰勉叶力同心互  
相提携乃速圖進路復歸鄉井重見宗親生人之情  
莫重於此一勞永逸固不合辭卿等誠節照宣勲



閱茂者到此之後當時既升仍給田園以贍生業  
必令優厚用答忠勞如有資產已成不願歸此亦  
任便住各遂所安宜無他良圖副我勤想夏熱卿等  
各平安好遣書指不<sub>及</sub>及

與回紇可汗書

皇帝敬問可汗弟兩國和好積有歲年中之以昏  
姻約之以兄弟誠信云重情義至深頃日賊臣背  
恩構成嫌釁天不長西心尋已誅夷使我兄弟恩好  
如舊周皓及踏本噉思達于等至得弟來書首覽  
父之良以為慰弟天<sub>之</sub>以雄傑智識通明親仁善隣  
敦信明義罷戰爭之<sub>風</sub>保合大和用

寧區宇惟茲盛美何以加焉朕之素懷與弟叶契  
為君之道本務愛人同日月之照臨體天地之覆  
育其於廣被彼此何殊况累代以來維敦姻戚與  
弟俱承先業所宜遵奉令圖自茲以還情契弥固  
垂之百代永遠無窮緬想至誠當同此意所附踏  
本噉奏請降公主姻不失舊頗叶通規待弟表到  
即依所請宣示百寮擇日發遣緣諸軍兵馬收京  
破賊頻立功勲賞給數多府藏虛竭其馬價物且  
付十二萬疋至來年三月更發遣一般餘並續續  
支付弟宜悉也安西北庭使人入奏並却歸本道  
至彼宜差人送過令其速達弟所寄馬並到深愧



厚意

賜吐蕃將書

勅尚覽鑠論莫陵悉繼等至省所陳奏朕具悉之  
國家與大蕃親則舅甥義則隣援悉人繼好固是  
常規朕嗣位君臨思安兆庶常以信讓為事不以  
爭競為心區域雖殊覆育寧別贊普天資仁德好  
生惡殺與朕同心重脩舊好會蕃漢將相告天地  
神祇約誓之言至嚴至重大信一立義無改移所  
請奉天盟書勒於清水碑石審詳事理頗甚乖違  
往歲賊臣稱兵竊據城闕尚結贊志惟嫉惡義在  
救災頻獻表章請收京邑朕以宗廟社稷悉在上

都但平寇戎豈惜計賞遂許四鎮之地以合收京  
之功旋屬炎蒸又多疾疫大蕃兵馬便自抽歸既  
未至京有乖始望奉天盟約豈合更論朕欲苟循  
彼情便令鐫刻則是非務實信不白衷欺天罔神  
莫大於此凡曰通好貴於推誠將垂百代之名豈  
顧一時之利但以事之去就須定是非若不辨明  
便成姑息親隣之義豈所宜然故遣使臣與卿詳  
議卿是大蕃輔佐必當智識通明事理昭然不足  
疑惑儻有他見宜具奏聞審細研窮須歸至當所  
論先許每年與替普綵絹一萬疋既者本來立約  
亦為收京然於舅甥之情此乃甚為小事二國和



好即同一家此有所須便當不恠彼有所要此固  
合供以有均無蓋是常理贊普若須繒帛朕即隨  
要支分多少之間豈拘定限假使踰於萬疋亦當  
稱彼所求朕之所重者信誠所輕者財利思與率  
土同臻大和想卿深軀至公務存大義安人保境  
垂美無窮勉思令圖以副朕意今遣倉部郎中兼  
侍御史趙聿與來使同往書中意有不盡並令趙  
聿口宣尚結贊論奔羅等嘗總師徒遠來赴難功  
雖未就義則可嘉其所領將士等朕先許與賜物  
一萬匹段並已排比許卿所商量指定此使却回  
即發遣往今各賜卿少物至宜領之

賜吐蕃宰相尚結贊書

勅尚結贊卿天資材術作輔大蕃識通古今志奉  
忠信義聲著積遠近流傳比聞入典樞衡近知還  
總戎務二國所定和好首末是卿商量得卿却來  
深以為慰昨者邊軍狀奏彼國兵馬踰越封疆朕  
以畫界立盟先有定分贊普素敦仁義卿又特稟  
純誠背約侵漁必無此理但勅邊城自備不令輒  
動干戈若使効尤恐成交惡初疑界首遊奕少有  
乖宜不謂大發師徒漸加侵軼興兵動衆必合有  
名蕃軍此行未測其故朕自嗣膺寶位即興贊普  
通和敦以舅甥結為隣接恐戰爭之弊知禮讓之



風彼此大同務安衆庶乃於境上建立壇場契約  
至明誓詞至重告于皇天后土諸物百神有渝此  
盟殃及其國朕敬奉誠約分毫不移信使交懽歲  
時無絕碑文具在可以明徵豈有一事不行一言  
不言頃令趙聿專往近方從彼却回兼聞彼蕃使  
同來至今獨在道路卿所論奏朕並未知待詳事  
由乃可商議既稱和好理絕相疑未合輕舉甲兵  
便踰境界盟誓之語忽焉如遺天地神明豈其可  
罔卿智識明達朕所深知頃年猶舉義師救此災  
患今豈不存大信遂棄令名故專遣使見卿欲得  
審知來意竚聞還奏以副所懷趙聿及蕃使合到

待覽表中意旨續即商量報卿涉遠而來當甚  
勞頓今賜卿某物至宜領之秋冷卿比平安好將  
士並存問之

賜尚結贊第二書

趙聿及論拱熱等至得卿表奏具見懇誠省覽言  
辭即稱和好及覩事跡唯務侵凌矛楯若斯將何  
取信審察書中之意蓋求四鎮北庭如此事宜足  
得商議既言通好理絕相疑未合輕舉甲兵便踰  
境界盟誓之語忽焉如遺天地神祇豈其可罔又  
聞放縱兵馬蹂踐禾苗邊境之人大遭驅掠在此  
未為深損於彼殊非遠謀卿之用心何乃至是國



家利害計須久長和好之道既虧仁義之風何在  
卿智識明悟朕所深知頃年猶發義師救此災患  
今豈不存大信遂棄令名故遣使見卿欲得審知  
來意必若守其盟誓務在同和即收斂兵車速歸  
本界所掠百姓一切放回然後可表卿直心信卿  
來奏續即遣使與論拱熱同往諸事並有商量交  
歡必令得所或密懷他意將欲別謀彼雖未說實  
情此亦略為准擬但緣誓約本重朕意不欲先違  
以此勤勤合有相問佇聞來奏以副朕懷

賜尚結贊第三書

勅尚結贊蕃使論拱熱等與趙...  
同列卿所陳奏

朕具悉之誠意勤勤志敦和好上以成舅甥之義  
次以結隣援之歡外以彰禮讓之風內以息戰爭  
之患兼此數事昔賢所難非卿材越等倫識通今  
古豈能匡輔大國弘宣遠圖施美利於當時傳盛  
名於不朽眷懷明略歎尚良多然以贊普來書務  
於叶睦卿之所奏亦貴通和初覽其言實嘉德義  
及觀其事頗訝乖違以卿賢明朕所信重棄義踰  
約計必不然未測事由因何至此頃年所定和好  
言約頗謂分明至如四鎮北庭元不割與蕃國及  
來泚勃逆作亂上都卿仗義興師請收京邑遂許  
四鎮北庭之地將以報答成功旋屬炎蒸蕃軍便



退奉天之約豈可更論事甚分明固無疑惑凡言  
結好所貴和同通牒商量有何不可大蕃必若  
四鎮北庭之地即合直以情言彼但說其誠心此  
亦自有分義豈假曲徵前事廣起異端仍發師徒  
務張威勢蕃使猶未至此蕃軍早已越疆或稱欲  
自赴朝或云更定言誓既虧盟約且失禮儀言與  
事乖將何取信夫人君立國必不徒然惟漢與蕃  
各受天命勝負固有定分強弱寧由力爭卿欲以  
衆相侵以威相脅謂天地可罔謂盟誓可渝即當  
肆意所為不必更論和好儻欲守其前約敷以親  
隣去就之間固宜有禮遣使來往足得商量張皇

師徒是何道理和好者禮義之事甲兵者爭奪之  
由二端懸殊理不並用今欲以用兵之勢定和好  
之辭事必不成縱成何益卿識見過敏器宇沉詳  
如此事宜不言可悉未知來意竟擬如何且首末  
論和是卿商議清水會盟之日卿又親發誓辭將  
期去殺好生修文偃武永安兆庶垂法子孫天下  
稱嗟以為盛美未經數歲遽有變移非獨見誚於  
四方亦將取笑於千古以此思度甚欲通和彼雖  
小以侵陵朕亦未即交惡故遣某官與卿更審籌  
量卿若必務同和更無他意即宜便歸本界遣使  
具述本情所須四鎮北庭朕當自有推議如或託



稱繼好志在別圖依前縱兵不即歸國惟利是視  
亦識彼懷和與不和於茲決定書中事有不盡並  
令某官某口宣宜令速回望來奏所獻方物深  
表遠誠今賜卿某物至可領也秋冷比平安好

唐陸宣公集卷第十









